

ԳՅՈՒՂԱԿԱՆ ԱՐՀԵՍՏԱԳՈՐԾՈՒԹՅՈՒՆԸ ԿԱՐՍԻ ՄԱՐԶՈՒՄ
(XIX դ. վերջ—XX դ. սկիզբ)

ԱՐԱՐԱՏ ՀԱԿՈՌԵՍԱՆ

XIX դ. վերջին ինչպես ամբողջ Կովկասը, այնպես էլ Կարսի մարզը տեղ-տեղական նվաճման էր ենթարկվում ռուսական կապիտալի կողմից: Դրա հետևանքով «տեղի էր ունենում դարավոր բնիկ «տնայնագործական» արհեստագործությունների արտամղում, որոնք Մոսկվայից բերվող ֆաբրիկատների մրցակցության հետևանքով անկում էին ապրում»: Սակայն Կովկասի տեղ-տեղական նվաճումը և տնայնագործական արհեստների արտամղումը նրա տարբեր շրջաններում հավասարաչափ չէին զրսևորվում. դրանք մի տեղ հումեմատաբար ուժեղ էին, իսկ մյուսում՝ թույլ: Վերջինիս թվին էր պատկանում Կարսի մարզը: Դա մասամբ պայմանավորված էր այն հանգամանքով, որ մարզը Ռուսաստանին միացվեց համեմատաբար ավելի ուշ և հաղորդակցության ուղիների անբավարարության հետևանքով կենտրոնի ու մյուս շրջանների հետ տնտեսապես թույլ էր կապված: Ռուսական մանուֆակտուրային ապրանքների թույլ ներհոսքը, բացի հիսադրաման դժվարություններից, պետք է բացատրել նաև այլ պատճառներով: Մարզի բնակչության (հատկապես գյուղական) ջածր կենսամակարդակն ու գնողունակությունը հնարավորություններ չէին բնձնում ներկայացնելու արդյունաբերական ապրանքների մեծ պահանջարկ: Դրա հետևանքով բնակչության համար ամենակենսական իրիքի ու առարկաների պակասը լրացվում էր տեղական արհեստագործական արտադրանքով: Ընդհանուր առմամբ տնայնագործական արհեստագործության մի շարք ճյուղեր պահպանվում և նույնիսկ զարգացում էին ապրում: Մարզում տնայնագործական արհեստագործության պահպանումը պայմանավորված էր նաև տեղում արդյունաբերության գրեթե բացակայությամբ, արհեստագործական հումքի առատությամբ, որոշ շրջաններում կիսաքուլորական բնակչության գոյությամբ, տեղ-տեղ տնտեսության նահապետական կենցաղով, կանոն սոցիալական դրությամբ և այլն: Արհեստագործությունը նկատելի աշխուժացում էր ապրում թե՛ քաղաքներում և թե՛ գյուղական վայրերում: Այն ուժեղ էր զարգացած հատկապես քաղաքներում՝ Կարսում և Կադղվանում: Կարսում եղել են համքարային կազմակերպություններ²: Այնտեղ գործում էին շուրջ հրկու տասնյակ մանր ձեռնարկություններ (օճառի, գարեջրի, լիմոնադի, բրուտագործական, աղյուսի, ներկարարական, սպիրտի մի քանի մեծավաճառ պահեստներ և այլն), որոնցից շատերը հիմնվեցին ռուսական տիրապետության օրոք: Օրինակ, 1883 թ. Կարս քաղաքում կառուցվում է գարեջրագործարան, որն աշխատում էր տեղական հումքով, և տարեկան եկամուտը կազմում էր 15000 ռուբլի³: Ընդհանուր առմամբ արդյունաբերական արտադրությունը գտնվում էր սաղմնային վիճակում: 1899 թ. Կարսի մարզում կար 838 ձեռնարկություն, որոնք տալիս էին 603462 ռ. արտադրանք և ունեին 1077 բանվոր: Դրանցից 751-ը ջրաղացներ էին (550280 ռ. եկամուտով և 900 բանվորով)⁴, 1913 թ. մարզում գործում էր մանուֆակտուրային տիպի 35 ձեռնարկություն՝ 147 բանվորով⁵:

1 Վ. Ի. Լենին, Եժ, հ. 3, Կրեան, 1975, էջ 754:

2 Վ. Ա. Արրահամյան, Հայ համբարությունները Անդրկովկասի քաղաքներում (18—20-րդ դարի սկիզբը), Երևան, 1971, էջ 70:

3 «Кавказская выставка», вып. I, II, Тифлис, 6. г., с. 24.

4 «Обзор Карсской области за 1899 г.», Карс, 1900, ведомость № 2.

5 Հայկական ՍՍՀ պետական կենտրոնական պատմական արխիվ (այսուհետև՝ ՀՍՍՀ ԳԳԱ), ֆ. 113, ց. 5, գ. 135, թ. 8:

Նահանգապետի հաշվետվության տվյալներով, եթե 1895 թ. մարզի արհեստավորների ընդհանուր թիվը, ենթավարպետներով և աշակերտներով, հասնում էր 1640 մարդով⁶, կազմելով ամբողջ բնակչության 0,75 տոկոսը, ապա 1907 թ.⁷ 4346 մարդով⁸, այսինքն՝ ամբողջ բնակչության 1,43 տոկոսը։ Քաղաքային առևտրաարհեստավորական բնակչության հիմնական տարրը կազմում էին հայերը։ Արհեստավորների մի մասը կենտրոնացված էր գյուղում։ 1895 թ., նահանգապետի հաղորդած տվյալներով, 1640 արհեստավոր զբաղվել են շուրջ 30 արհեստներով, որոնցից 254-ը՝ քարտաշությամբ, 225-ը՝ դարբնությամբ, 215-ը՝ հյուսնությամբ, 106-ը՝ կոշկակարությամբ և այլն⁹։ Ազգային կազմի տեսակետից 1640 արհեստավորներից 721-ը եղել են հայեր, 434-ը՝ հույներ, 185-ը՝ ռուսներ և այլն⁹։

Մարզի արհեստավորների քանակական աճը կատարվում էր առաջին հերթին քաղաքներում։ Գյուղական վայրերում արհեստագործությունը գտնվում էր զարգացման ցածր աստիճանի վրա և ավելի հաճախ հանդես էր գալիս տնային արտադրության ձևով։ Այստեղ գյուղացին հողագործական աշխատանքներից ազատ ժամանակ (հատկապես ձմռանը) զբաղվում էր իր տնտեսությունում ստացվող հումքի (բրդի, մետաքսի, կտավատի, կաթի, կաշվի, փայտի) վերամշակմամբ ու սպառմամբ։ Մարզում դաշտային աշխատանքները տևում էին 5—6 ամիս, իսկ մնացած ժամանակ գյուղերում ամենուրեք զբաղվում էին տնային արհեստային արտադրությամբ։ Դա գյուղական արհեստային զբաղմունքի ամենապարզ ու պրիմիտիվ ձևն էր, որն, ինչպես նշել է Վ. Ի. Լենինը, «... անխզելիորեն կապված է հողագործության հետ՝ իբրև մեկ ամբողջություն»¹⁰։ Տնային արտադրության վերաբերյալ վիճակագրական և փաստագրական տվյալները բացակայում են։ Եվ քանի որ արհեստի այս պարզունակ ձևը անխզելիորեն կապված է եղել երկրագործության հետ, ուստի ցարական ժամանակաշրջանի պաշտոնական և ոչ պաշտոնական հեղինակները այն առանձին հետազոտության չեն ենթարկել, այլ սահմանափակվել են միայն նկարագրելով։

Տնտեսական և շուկայական հարաբերությունների զարգացմանը ղուգրնթաց տնային արտադրությունն աստիճանաբար իր տեղը զիջում էր արհեստին ու մանր ապրանքային արտադրությանը։ Եթե արհեստային արտադրության դեպքում ստացված արտադրանքը, որը դեռևս կապված էր շուկայի հետ, վաճառվում էր հիմնականում պատվիրատուին, ապա մանր ապրանքային արտադրության արտադրանքը, ընդունելով ապրանքային բնույթ, հանվում էր շուկա։ Տնային արտադրությունը և գյուղական արհեստը գնալով աստիճանաբար ցուցաբերում էին մանր ապրանքային արտադրության վերածվելու միտումներ։

Գյուղական արհեստավորները զբաղվում էին գյուղատնտեսական գործիքների՝ արոնների, սայլերի, տափանների, փոցիների, բահերի արտադրությամբ ու վերանորոգմամբ, նաև՝ քարտաշությամբ, մանածագործությամբ, դերձակությամբ, դարբնությամբ, կոշկակարությամբ, բրուտագործությամբ, արուլ-րագործությամբ և այլն։ Քարտաշության և ընդհանրապես քարագործության արհեստը հիմնականում գտնվում էր հայերի և հույների ձեռքում։ Քարտաշները, աշխատանք գտնելու նպատակով, առանձին կամ խմբերով շրջում էին գյուղերում և քաղաքներում։ 1897 թ. մարդահամարի տվյալներով մարզում կային ինքնուրույն զբաղմունք ունեցող 330 քարտաշ-որմնադիրներ¹¹, իսկ

⁶ «Обзор... за 1895 г.», 1896, с. 14.

⁷ «Обзор... за 1907», 1908, с. 18.

⁸ «Обзор... за 1895», с. 15.

⁹ Նույն տեղում, էջ 16:

¹⁰ Վ. Ի. Լենին, ՆԺ, Հ. 3, էջ 406:

¹¹ «Первая всеобщая перепись населения Российской империи 1897 г., LXIV, Карская область», СПб., 1904, с. 104.

1910 թ. դրանց թիվը հասավ 1009-ի¹², Առանձնապես լավ համարում ունեին Կաղզվանի օկրուգի Ղոշա-Քիլիսա և Օլթիի օկրուգի Բարդուս հայաբնակ գյուղերի քարագործ արհեստավորները¹³։ Ըսեմ ամբողջությամբ վերցրած գյուղական արհեստները թույլ էին զարգացած, այնուամենայնիվ տարբեր շրջաններում և գյուղերում՝ կապված արհեստագործական հումքի առկայության, բնակչության պահանջարկի, պահպանված ավանդույթի և ազգային առանձնահատկությունների հետ, որոնք մեծ տեղի էր ունենում մասնագիտացում այս կամ այն արհեստատեսակի ուղղությամբ, որը ժառանգաբար փոխանցվում էր հորից որդուն, վարպետից՝ աշակերտին։ Այսպես, Կաղզվանի օկրուգի Խորասանի տեղամասի գյուղական արհեստավորները հիմնականում մասնագիտացել էին քարագործության մեջ։ 1911 թ. պաշտոնական տվյալներով տեղամասի 379 վարպետ, ենթավարպետ և աշակերտ արհեստավորներից 297-ը եղել են քարտաշ-որմասդիրներ, իսկ մնացած 82-ը՝ այլ արհեստագործներ։ 26-ը՝ դարբին, 21-ը՝ դերձակ, 10-ը՝ կոշիկակար, 7-ը՝ հյուսն, 7-ը՝ կլայնեագործ և այլն¹⁴։

Կարսի և Կաղզվանի օկրուգների հայաբնակ մի շարք գյուղերում շատ վաղ ժամանակներից տարածված էր մանածագործությունը։ Ռուսաստանին միացվելուց հետո Երևանի նահանգից ներմուծվող և տեղում մշակվող քիչ քանակությամբ բամբակից գյուղացիները կտավ (բլազ) էին գործում տեղական գործածության համար։ Սակայն հետագայում ռուսական ֆաբրիկաների էծան կտավը հեշտությամբ դուրս է մղում տնայնագործականը, և դրանից հետո մանածագործությունն անկում է ապրում¹⁵։ Մանածագործության տնայնագործական արտադրության հետ էր կապված նաև մետաքսաթելի արտադրությունը։ Սակայն տեղում մետաքսահումքի անբավարարության հետևանքով մետաքսի արտադրությունը նույնպես էական առաջնադասում չապրեց։ Մարզի շերամապահական քիչ թե շատ հայտնի շրջաններն էին Կաղզվան, Օլթի քաղաքավանները և Փենյակ գյուղը¹⁶։ Այս տեսակետից Կարսի մարզը զգալիորեն զիջում էր ինչպես Երևանի նահանգին, այնպես էլ անդրկովկասյան մյուս նահանգներին, որտեղ մետաքսի արտադրությունը արդեն ստացել էր կապիտալիստական մանուֆակտուրային արտադրության բնույթ։

Երկրամասի տեխնիկատնտեսական հետամնացության և գյուղաշխարհի առևտրատնտեսական կտրվածության պայմաններում գյուղական արհեստները շարունակում էին գոյատևել, իսկ տեղ-տեղ էլ՝ նույնիսկ զարգանալ։ Այդպիսի արհեստատեսակների թվին էր դասվում, օրինակ, բրուտագործությունը։ Ավանդական ձևով պատրաստվում էին կավե զանազան մեծ ու փոքր իրեր՝ կարասներ, կճուճներ, կժեր, սափորներ, գավաթներ, սափսներ և այլն։ Բրուտագործներն իրենց արտադրանքը հենց իրենք էին վաճառում՝ շրջնով գյուղերը և ավանները։ Մարզի գյուղատնտես Ստ. Կամսարականի հաշվումներով, բրուտագործությամբ զբաղվող ընտանիքի տարեկան եկամուտը կաշմում էր 60—75 ռուբլի¹⁷։ Կավագործական արհեստի մեջ մասնագիտացել էր Կաղզվանի օկրուգի Ենիջա հայկական գյուղը։ Հիշյալ արհեստատեսակը գտնվում էր հայերի ձեռքում¹⁸։

Մարզում զարգացած էր նաև կլայնեագործությունը։ 1910 թ. հաշվվում էին 514 ելայնեագործ արհեստավորներ, որոնց կեսից ավելին Կաղզվանի օկրուգից էին¹⁹։ Այս արհեստը դարձյալ տարածված էր հիմնականում հայերի

¹² «Обзор... за 1910 г.». 1911, с. 52.

¹³ «Свод статистических данных, извлеченных из посемейных списков населения Кавказа, Карская область», Тифлис, 1889, с. 214—215 и 262—263.

¹⁴ Մ. Մաշտոցի անվան Մատենադարան (այսուհետև՝ Մատենադարան), Լազարյանների ֆոնդ, ց. 91, ք. № 131, գ. 113, վավ. № 30, էջ 7.

¹⁵ ՀՍՍՀ ՊԿՊԱ, ֆ. 375, ց. 1, գ. 23, ք. 116—117.

¹⁶ «Труды Кавказской шелководственной станции за 1887 и 1888 гг.», т. I, Тифлис, 1889, с. 152.

¹⁷ ՀՍՍՀ ՊԿՊԱ, ֆ. 375, ց. 1, գ. 23, ք. 117.

¹⁸ Մատենադարան, Լազարյանների ֆոնդ, ք. № 131, գ. 113, վավ. № 31, էջ 12.

¹⁹ «Обзор... за 1910 г.», с. 52.

հազ. ութիւի³⁰, Պանրամշակման կետերը պատկանում էին տեղացի ձեռնարկատերերին և գյուղական համայնքներին: «Կաթնային տնտեսութեան շահավետութիւնը,— գրում էր «Կարս» շաբաթաթերթը,— գիտակցում են իրենք՝ բնակիչները, և ամեն տարի պանրագործական ու յուղագործական ձեռնարկությունները շատանում են»³¹, Անասնապահական առանձին շրջաններ, մասնագիտաւաւով կաթնամշակման մեջ, գնաւով մեծացնում էին պանրի ու յուղի արտադրությունն ու վաճառքը ինչպես Անդրկովկասի շուկաներում, այնպես էլ Ռուսաստանի քաղաքներում, Այդ տեսակետից մարդն Անդրկովկասում գիշում էր միայն Բորչալուի գաւառին³²:

Կաղզվանի և Օլթիի պտղալոգեգործական շրջաններում տարածված էր չորացված մրգերի, զանազան մուրաբաների, մրդահյութերի, պաստեղների և պահածոների պատրաստման արհեստը³³: Այն տարածված էր հատկապես Կաղզվանի օկրուգի Փաքրան, Կերս, Խար, Հարաբաղ, Խալի-Կշաղ, Հուսին-Քենտ, Զերիխլի, Գելիմշան գյուղերում և, իհարկե, Կաղզվան քաղաքում³⁴: Առանձին պտղատեսակներից՝ թթից, խնձորից, ինչպես նաև մարզում մշակվող քիչ քանակությամբ խաղողից, ստացվում էր նաև որոշ քանակութեամբ օղեսպիրտ: 90-ական թվականների սկզբներին թորման ճանապարհով տարեկան ստացվել է մոտ 8000³⁵, իսկ 1907 թ.՝ շուրջ 45000³⁶ սպիրտ³⁶: Բացի այդ, մեծ քանակությամբ միրգ, հիմնականում չորացված վիճակում, վաճառվում էր մարզի տարբեր գյուղերում ու քաղաքներում: Այսպես՝ դարավերջին տարեկան ստացվում էր 15—20 հազ. փութ թութ, որի մի զգալի մասը չոր վիճակում հանվում էր վաճառքի³⁷: Սա նշանակում է, որ պտղալոգեգործությունը և դրանից ստացված մթերքների վերամշակման հետ կապված որոշ զբաղմունքներ ներգրավվել էին ապրանքադրամային (շուկայական) հարաբերությունների ոլորտը: Սակայն միշտ չէ, որ պտղալոգեգործական մթերքների առքն ու վաճառքը դրամային ձև էր ընդունում: Հաճախ դրանք փոխանակվում էին ցորենի ու գարու կամ էլ արհեստագործական այլ ապրանքների հետ:

Գյուղացիության զբաղմունքի յուրօրինակ ճշուղներից էր մեղվաբուծությունը, որն ամենից ավելի զարգացած էր Օլթիի օկրուգում: 1896 թ. մարզում հաշվվում էր մոտ 8000 փեթակ, որից ստացվում էր շուրջ 2000 փութ մեղր ու մեղրահաց³⁸, Արդեն 1910 թ. կար շուրջ 15000 փեթակ՝ ավելի քան 5000 փութ արտադրանքով, որի մի մասը վաճառքի էր հանվում մարզում և նրա սահմաններից դուրս³⁹:

Մարզում տարեկան միջին հաշվով ստացվում էր 6—10 հազ. փութ կտավատ: Դործում էին տնայնագործական բնույթի ձեթահան գործարաններ, որոնք արտադրում էին ձեթալու: Ստացված կտավատի մյուս մասը թորվում էր Թիֆլիսի ձեթագործարաններում և արտահանվում էր արտասահման՝ մասնավորապես Մաքսի⁴⁰: Զիթարտադրությունը տարածված էր Կաղզվանի օկրուգի Բաշքեռլ, Արմուտլի, Նախիչևան, Զիրնի, Զիրլի հայկական գյուղերում: 1890 թ.

30 «Журнал заседания съезда окружных начальников Карсской области 17—21-го мая 1913 года», Карс, 1913, с. 59.

31 «Карс», 1913, № 15.

32 И. И. Утгурашвили, Развитие капиталистических отношений в деревне Восточной Грузии (1864—1914 гг.), (автореф. канд. дисс., Тбилиси, 1967, с. 43).

33 «Район...», с. 444—446.

34 Նույն տեղում, էջ 428:

35 М. Баллас, Виноделие в России, ч. 3, СПб., 1897, с. 225; «Район...», с. 445.

36 «Обзор... за 1907 г.», 1908, с. 16.

37 С. Т. Гулишамбаров, Обзор фабрик и заводов Закавказского края, Тифлис, 1894, с. 23.

38 «Обзор... за 1896 г.», 1897, с. 13.

39 «Памятная книжка и адрес-календарь Карсской области на 1912 год», Тифлис, 1911, ведомость № 11, с. 31.

40 «Район...», с. 423.

Կարսի մարզում կար 40 ձիթհանք⁴¹։ Կտավատի յուղը հիմնականում գործածվում էր որպես սննդամթերք, ինչպես նաև սենյակների լուսավորման համար։ Սակայն 1890-ական թվականներին, երբ բնակչության կենցաղի մեջ սկսեց մուտք գործել նավթը, կտավատի մշակությունը հետևաբար և ձիթարտադրությունը պակասեց⁴²։ Մարզի ուսման բնակիչները գյուղերում վուշի ցողունից գործում էին կոպիտ կտավ (քաթան)⁴³։ Քաթանագործությունը զարգացած էր նաև Կարսի օկրուգի Ենիքոյ հայկական գյուղում⁴⁴։

Մարզում բավականաչափ զարգացած էր արաղացությունը։ Հացահատիկի հումքի մշտական առկայությունը կենսական պահանջ էր դարձնում գյուղերում ջրաղացներ ունենալը։ Մարզի գահավեժ գետակներն ու առվակները բնական նպաստավոր պայմաններ էին ստեղծում ջրաղացների կառուցման համար։ Յուրաքանչյուր բնակավայր անխտիր ուներ մեկ, երբեմն էլ ավելի ջրաղաց։ XIX դ. 90-ական թվականների սկզբներին մարզում կար 753 ջրաղաց, որից 7-ը ունեին հինգ և ավելի քար, 27-ը՝ չորս քար, 64-ը՝ երեք քար, 180-ը՝ երկու քար և 475-ը՝ մեկ քար⁴⁵։ Այդ ջրաղացները կենտրոնացված էին գերադանցապես հայերի ձեռքում⁴⁶։ Արաղացության արհեստը նույնպես կրում էր տնայնագործական բնույթ։ Յուրաքանչյուր ջրաղացում, բացի ջրաղացպանից, ընդգրկված էին 1—2 վարձու բանվոր։

Կարսի մարզի տնայնագործական արտադրության կարևոր ճյուղերից էին բրդագործությունը ու դրա մշակման հետ կապված մի շարք արհեստատեսակներ։ Մարզում հաշվվում էր 400—500 հազ. գլուխ ոչխար։ Եթե ղեկավարվենք Ա. Քալանթարի, Կ. Խատիսովի, Ա. Փիրալովի, Վ. Բոչկարևի հաշվման մեթոդով և ընդունենք, որ յուրաքանչյուր գլուխ ոչխարը տարեկան կարող է տալ մինչև 4 ֆունտ բուրդ, ապա կարող ենք ասել, որ մարզում տարեկան ստացվում էր ավելի քան 50 հազ. փութ բուրդ, որի մոտ մեկ հինգերորդ մասը՝ 10 հազ. փութը, արտահանվում էր, իսկ մնացածի զգալի մասը տնայնագործական վերամշակման էր ենթարկվում և սպառվում տեղի ու Անդրկովկասի շուկաներում⁴⁷։ Բրդագործությունն ավելի կամ պակաս չափերով տարածված էր մարզի գրեթե բոլոր անասնապահական շրջաններում։ Երկար ու խրատաշունչ ձմռանը գյուղական բնակչությունը, հատկապես կանայք տնային պայմաններում գործող արհեստանոցներում զբաղվում էին բրդի մշակմամբ։

Քանի որ մարզ ներմուծվող սահմանափակ քանակությամբ մանուֆակտուրային և արդյունաբերական այլ ապրանքները չէին կարող բավարարել բնակչության օրըստօրե աճող պահանջմունքները, իսկ տեղում արդյունաբերական արտադրությունը դեռևս գտնվում էր սաղմնային վիճակում, ուստի այդ բացը ավանդույթի ուժով շարունակվում էր լրացվել տնայնագործական արտադրությամբ։ Հայկական, ռուսական, քրդական գյուղերի բնակչությունը հիմնականում ոչխարի բրդի հումքով, հնատիպ դազգահների միջոցով պատրաստում էր թաղիքներ, գորգեր, մահուդ, կարպետներ, փալասներ, վարագույրներ (փարդա), խորջիններ, ջվալներ և բրդյա զանազան այլ առարկաներ, որոնց մի մասը սպառվում էր տեղում, իսկ մյուսը՝ արտահանվում Անդրկովկասի շուկաները, երբեմն էլ՝ նրա սահմաններից դուրս⁴⁸։ Առանձնապես մեծ համբավ

⁴¹ «Всеподданнейший отчет... за 1890 г.», с. 12—13.

⁴² «Район...», с. 423.

⁴³ П. Хельмицкий, *Էջ. աշխ.*, էջ 43.

⁴⁴ Я. Д. Малама, Описание Эрзрумского вилайета, СПб., 1874, с. 122.

⁴⁵ П. Хельмицкий, *Էջ. աշխ.*, էջ 172—183.

⁴⁶ ЗУВЗ 1940, № 113, 3, 4, 510, 72—77.

⁴⁷ «Район...», с. 433; А. Б. Евангулов, Данные о ввозе и вывозе шерсти в Закавказье («Труды первого кавказского съезда сельских хозяев 15—24 ноября 1909 г. в Тифлисе», Тифлис, 1911, с. 348—349); А. С. Пиралов, Краткий очерк кустарных промыслов Кавказа, СПб., 1913, с. 21; К. Хатисов, *Էջ. աշխ.*, էջ 9—11.

⁴⁸ Մատենադարան, Հայարյանների ֆոնդ, Բ. № 131, վաճ. № 11—28, էջ 55, Բ. № 131, Գ. 113, վաճ. № 29, էջ 48.

ունենր «յամանի» կոչվող գորգը⁴⁹, լավ համարում ունենր ռուս բնակչության կողմից տնայնագործական եղանակով պատրաստվող մահուղը⁵⁰: Բրդի մշակման տնայնագործական համակարգը ժամանակի ընթացքում որակական էական փոփոխություն չկրեց: Մարդում ֆաբրիկագործարանային արտադրության բացակայության պայմաններում բրդագործությունը տնային սլարով արտադրության նախասկզբնական ձևերից այն կողմ շանցավ:

Տնայնագործական արհեստագործության որոշ արտադրատեսակներ ունեին բարձր որակ: 1889 թ. Թիֆլիսի գյուղատնտեսական ցուցահանդեսում ներկայացված մարդի տնայնագործական մի շարք արտադրատեսակներ արժանացան մրցանակների ու գովեստագրերի: Այսպես, օրինակ, Կաղզվանի օկրուգի բնակիչ Սեյրան Շամսադինովը գորգի և թաղիքի համար արժանացել էր արծաթե մեդալի: Նույն օկրուգի բնակիչ Մկրտիչ Կեոբգյանը պղնձե ամանեղենի համար պարգևատրվել էր բրոնզե մեդալով և 3-րդ կարգի դիպլոմով: Կարսի օկրուգի բնակիչ Հովհաննես Տորունյանը կարպետի (չեչիմ) համար նույնպես պարգևատրվել էր բրոնզե մեդալով և 3-րդ կարգի դիպլոմով: Ընդհանուր հաշվով Կարսի մարզից այդ ցուցահանդեսում ներկայացված արհեստագործական արտադրատեսակներից երկուսը արժանացել էին արծաթե, հինգը՝ բրոնզե մեդալների, իսկ տասներկուսը՝ գովեստագրերի⁵¹:

Այսպիսով, ռուսական տիրապետության ժամանակ մարդում բավականաչափ աշխուժացել էր գյուղական արհեստագործությունը, այդ թվում՝ տնայնագործական արհեստագործությունը, որը հիմնականում կրում էր մանր ապրանքային բնույթ: Միաժամանակ ռուսական կապիտալի ու ֆաբրիկագործարանային արտադրանքի որոշ տեսակների ներհոսքի հետևանքով մի քանի արհեստատեսակներ (մանածագործություն, կտավագործություն, ձիթահանություն) անկում ապրեցին: Սակայն տեղում արդյունաբերության բացակայությունը, դրսի, և, առաջին հերթին, ռուսական ֆաբրիկագործարանային ապրանքների սահմանափակ ներհոսքը և գյուղացիության դրամական ցածր զնդունակությունը ի վիճակի չեղան արտամղել թե՛ բաղաբային և թե՛ գյուղական արհեստագործության շատ ու շատ տեսակներ:

СЕЛЬСКИЕ РЕМЕСЛА В КАРССКОЙ ОБЛАСТИ (конец XIX—начало XX вв.)

АРАРАТ АКОПЯН

Р е з ю м е

В конце XIX—начале XX вв. в результате отсутствия местной промышленности, трудностей, связанных с перевозкой русских фабрично-заводских товаров, низкого жизненного уровня и покупательной способности крестьянства, а также полукочевого образа жизни части населения в сельских местностях Карсской области продолжали сохраняться, а местами даже оживляться сельские промыслы. Особенно развились: переработка шерсти, молока, мукомольное дело, гончарное и ряд других традиционных видов ремесел. Но в то же время в результате проникновения русского капитала и дешевой мануфактурной продукции некоторые виды ремесел, к примеру, ткачество (в том числе изготовление льняного холста) или же маслоделие и т. п. переживали упадок.

⁴⁹ А. С. Пиралов, Краткий очерк кустарных промыслов Кавказа, СПб., 1913, с. 65.

⁵⁰ П. Хельмицкий, *Եղվ. աշխ.*, էջ 12.

⁵¹ «Всепогоднейший отчет... за 1889 г.», 16—17, «Кавказская выставка предметов сельского хозяйства и промышленности», Тифлис, 1889, с. 18.